

周禮

冊六

周禮卷三十

漢大司農北海鄭玄註

明後學東吳葛鼎訂

司馬政官之職

**小司馬**之職掌

此下字脫滅札爛文闕漢與求之不得遂無識其數者

凡小祭祀會同饗射師田喪紀掌其事如大司馬之灋

**軍司馬**闕

**輿司馬**闕

行司馬

闕

司勳掌六鄉賞地之灋以等其功。

賞地。賞田也。在遠郊之內。屬六鄉焉。等。猶差也。以功大小為差。

王功曰勳。

輔成王業。若周公。

國功曰功。

保全國家。若伊尹。

民功曰庸。

法施於民。若后稷。

事功曰勞。

珍傲宋版

以勞定國若禹

治功曰力。

制法成治若咎繇  
咎音羔繇音遙

戰功曰多。

冠敵出奇若韓信陳平  
司馬法曰上多前虜

凡有功者。銘書于王之太常。祭于大烝。司勳詔之。

銘之言名也。生則書于王旌。以識其人。與其功也。死則於烝先王祭之。詔謂告其神。以辭也。盤庚告

其御大夫曰。茲予大享于先王。爾祖其從與享之。是也。今漢祭功臣於廟庭。○識音志。與音預。

大功。司勳藏其貳。

貳猶副也。功書藏于天府。又副於此者。以其主賞。

掌賞地之政令。

政令謂  
役賦

凡賞無常。輕重視功。

無常者功之  
大小不可豫

凡頒賞地。參之一食。

鄭司農云。不以美田為采邑。玄謂賞地之  
稅。參分司稅。王食其一也。二全入於臣。

惟加田無國正。

加田。既賞之。又加賜以田。所以厚恩也。鄭司農云。  
正。謂稅也。祿田亦有給公家之賦。貢若今時侯國。

有司農少府錢穀矣。獨加賞之。  
田無正耳。○正音征。少詩照反。

**馬質**。掌質馬。馬量三物。一曰戎馬。二曰田馬。三曰駑。

馬皆有物賈。

此三馬賈以給官府之使無種也。鄭司農曰：皆有物賈，皆有物色及賈直。○賈音稼。

綱惡馬。

鄭司農云：綱，讀為以充其維之充。書亦或為充。充，御也。禁也。禁去惡馬不畜也。玄謂綱以縻索維綱。

狎習之。去起呂反。

凡受馬于有司者，書其齒毛。與其賈。馬死則旬之內更旬之外，入馬耳。以其物更其外否。

鄭司農云：更，謂償也。玄謂旬之內死者，償以齒毛。與賈受之日淺，養之惡也。旬之外死者，入馬耳，償以

毛色。不以齒賈。任之過其任也。其外否者，旬之外踰二十日而死，不任用者罪。○更音庚。

馬及行，則以任齊其行。

識其所載輕重及道里  
齊其勞逸乃復用之

若有馬訟則聽之

訟謂賣買  
之言相負

禁原蠶者

原再也天文辰為馬蠶書蠶為龍精月直大火則  
浴其種是蠶與馬同氣物莫能兩大禁再蠶者為

傷馬與○為  
傷于偽反

量人掌建國之灋以分國為九州營國城郭營后宮

量市朝道巷門渠造都邑亦如之

建立也立國有舊法式若匠人職云分國定天下  
之國分也后君也言君容王與諸侯○朝直遙反

國分扶  
問反

營軍之壘舍。量其市朝州涂軍社之所里。

軍壁曰壘。鄭司農云。量其市朝州涂。還市朝而為道也。玄謂州一州之眾二千五百人。為師。每師一

處市也。朝也。州也。皆有道以相之。軍社。社主在軍者。里居也。○涂本又作塗。

邦國之地。與天下之涂數。皆書而藏之。

書地。謂方圓山川之廣狹。書涂。謂支湊之遠近。

凡祭祀饗賓。制其從獻脯燔之數量。

鄭司農云。從獻者。肉殽從酒也。玄謂燔。從于獻酒之肉炙也。數。多少也。量。長短也。○炙。章夜反。

掌喪祭奠竊之俎實。

竊。亦有俎實。謂所包遣奠。士喪禮下。篇曰。藏苞。笱於旁。○竊。昌絹反。笱。所交反。

凡宰祭。與鬱人受斝。歷而皆飲之。





鄭司農云沈謂祭川爾雅曰祭川曰浮沈辜謂磔牲以祭也月令曰九門磔禳以畢春氣侯禳者候

四時惡氣禳去之也。禳如羊反磔陟格反也。

### 釁邦器及軍器

邦器謂禮樂之器及祭器之屬雜記曰凡宗廟之器其名者成則釁之以豶豚。○豶音家。

### 凡師田斬牲以左右狗陳

示犯誓必殺之

### 祭祀贊羞受徹焉

### 羊人掌羊牲凡祭祀飾羔

羔小羊也詩曰四之日其蚤獻羔祭韭

### 祭祀割羊牲登其首

登升也。升首。報首。室。

凡祈珥共其羊牲。

共猶給也。

賓客共其灋羊。

灋羊。殮。養。本又作食。饗音食。

凡沈辜侯禳釁積共其羊牲。

積。故書為。耻。鄭司農云。耻。讀為。漬。謂釁。國寶。漬。軍器也。玄謂。積。積。柴。裡。祀。檣。燎。實。柴。○。耻。徐。賜。反。與。

羊。漬。同。檣。反。

若牧人無牲則受布于司馬使其賈買牲而共之。

布泉。賈音古。

司燿掌行火之政令。四時變國火以救時疾。

行猶用也。變猶易也。鄭司農說以鄴子曰春取榆柳之火。夏取棗杏之火。季夏取桑柘之火。秋取柞

櫛之火。冬取槐檀之。火。○櫛羊久反。

季春出火。民咸從之。季秋內火。民亦如之。

火所以用陶冶。民隨國而為之。鄭人鑄刑書。火星未出而出。火後有災。鄭司農云。以三月本時昏。心

星見于辰上。使民作火。九月本黃昏。心星伏在反上。使民內火。故春秋傳曰。以出內火。○見賢遍反。

時則施火令。

焚萊之時。

凡祭祀則祭燿。

報其為明之功。禮如祭。爨。

凡國失火野焚萊則有刑罰焉。

野焚萊民擅放火

**掌固**掌修城郭溝池樹渠之固頒其士庶子及其衆

庶之守。

樹謂枳棘之屬有刺者也衆庶民遞守固者也鄭司農說樹以國語曰城守之木於是乎用之○枳

居氏反遞待禮反

設其飾器。

兵甲之屬今城郭門之器亦然

分其財用均其稍食。

財用國以財所給守吏之用也稍食祿廩

任其萬民用其材器。

任謂以其任使之也。民之材器其  
所用塹築及為藩落。○塹七豔反。

凡守者受灋焉。以通守政。有移甲與其役財用。唯是  
得通。與國有司帥之。以贊其不足者。

凡守者。士庶子及他要害之守吏。通守政者。兵甲  
役財難易多少。轉移相給也。其他非是。不得妄離。

贊。部署國有司掌固也。其移之者。又與掌固帥致之。  
贊佐也。○凡守收。又反。下有守者。同。易以豉反。離。

力智  
反

晝三巡之。夜亦如之。

巡。行也。行守者。為衆庶之解情。○行  
下孟反。下皆同。為于偽反。解佳賣反。

夜三鑿以號戒。

杜子春云讀鑿為造次之造謂擊鼓行夜戒守也春秋傳所謂賓將趣者與趣與造音相近故曰終

夕與燎玄謂鑿擊鑿警守鼓也三巡之間又三擊鑿○鑿音戚造七報反趣莊久反與燎音預

若造都邑則治其固與其守灋

都邑亦為城郭

凡國都之竟有溝樹之固郊亦如之

竟界也○竟音境

民皆有職焉

職謂守與任

若有山川則因之

山川若穀

五其林器

司險掌九州之圖以周知其山林川澤之阻而達其道路。

周猶徧也。達道路者山林之阻則開鑿之。川澤之阻則橋梁之。

設國之五溝五涂而樹之林以爲阻固皆有守禁而達其道路。

五溝遂溝洫澮川也。五涂徑塗道路也。樹之林作藩落也。○洫況域反澮古外反。

國有故則藩塞阻路而止行者以其屬守之。唯有節者達之。

有故喪災及兵也。閉絕要害之道備姦寇也。

掌疆

闕



候人各掌其方之道治與其禁令以設候人

道治治道也國語曰候不在竟譏不居其方也禁令備姦寇也以設候人者選士卒以爲之詩云彼

候人兮何戈與祲何胡我反祲都外反

若有方治則帥而致于朝及歸送之于竟

王方治其方來治國事者也春秋傳曰晉欒盈過周轅轅是送之朝直遙反轅戶

反關

輿人掌致御

致師者致其必戰之志古者將戰先使勇力之士犯敵焉春秋傳曰楚許伯御樂伯攝叔爲右以致

晉師許伯曰吾聞致師者御靡旌摩壘而還樂伯曰吾聞致師者左射以敢代御執轡御下攝馬掉

鞅而還攝叔曰吾聞致師者右入壘折馘執俘而還皆行其所聞而復之敢者側留反攝音兩馘古

獲反俘  
音孚

察軍慝

慝陰姦也。視軍中  
有為慝者則執之。

環四方之故

御其以事謀來侵伐  
者所謂折衝禦侮

巡邦國搏諜賊

諜賊反間為國賊  
○間間廁之間

訟敵國

敵國兵來則往與之訟  
曲直若齊國佐如師

揚軍旅

維師尚父時維鷹揚詩云

### 降圍邑

圍邑欲降者受而降之春秋傳曰齊人降鄆○降戶江反鄆音章

**挈壺氏** 掌挈壺以令軍井 挈轡以令舍 挈畚以令糧

鄭司農云挈壺以令軍井謂為軍穿井井成挈壺縣其上令軍中士眾皆望見知此下有井壺所以

盛飲故以壺表井 挈轡以令舍亦縣轡于所當舍止之處使軍望見知當舍止于此轡所以駕舍故

以轡表舍 挈畚以令糧亦縣畚于所當稟假之處令軍望見知當稟假于此也 畚所以盛糧之器

故以畚表稟軍中人多車騎雜會謹囂號令不能相聞故各以其物為表省煩趨疾于事便也 ○畚

音本為于偽反盛音成下同稟彼錦反皆同令力呈反

凡軍事縣壺以序聚橐凡喪縣壺以代哭者皆以水

火守之分以日夜。

鄭司農云。縣壺以爲漏。以序聚椽。夜時也。代亦更也。椽

禮未大。斂代。哭以水守。壺者爲沃漏也。以火守。壺

者。夜則火視。刻數也。分以日夜者。異晝夜漏也。漏

字

及冬。則以火爨鼎水而沸之。而沃之。

鄭司農云。冬水凍。漏不下。故以火炊水。沸以沃之。謂沃漏也。○爨七端反。

射人掌國之三公。孤。卿。大夫之位。三公北面。孤東面。

卿大夫西面。其摯。三公執璧。孤執皮帛。卿執羔。大夫

鴈。

射位將射始入見君之位不言士者此與諸侯之賓

射士不與也燕禮曰公升即位于席西鄉小臣納

東面北上。射大夫皆入門右北面東上。士立于西方。

預禮同。亮見賢遍反。不與音。燕直遙反。

諸侯在朝則皆北面詔相其灋。  
謂諸侯來朝而未歸王與之射于朝者皆北面從三公位灋其禮儀。○相息亮反。

若有國事則掌其戒令詔相其事。  
謂王有祭祀之事諸侯當助其薦獻者也。戒令告以齊與期。○齊側皆反。

掌其治達。  
謂諸侯因與王射及助祭而有所治受而達之于王。王有命又受而下的。

以射灋治射儀。王以六耦射三侯。三獲三容。樂以騶

以射灋治射儀。王以六耦射三侯。三獲三容。樂以騶

以射灋治射儀。王以六耦射三侯。三獲三容。樂以騶

虞九節五正。諸侯以四耦射二侯。二獲二容。樂以狸首。七節三正。孤卿大夫以三耦射一侯。一獲一容。樂以采蘋。五節二正。士以三耦射豻侯。一獲一容。樂以采蘩。五節二正。

射法。王射之禮。治射儀。謂肆之也。鄭司農云。三侯。虎。熊。豹也。容者。乏也。待獲者所蔽也。九節。析羽。九重。設于長杠也。正所射也。詩云。終日射侯。不出正。今。二侯。熊。豹也。豻。侯。豻者。獸名也。獸有狸。豻。熊。虎。

玄謂三侯者。五正三正二正而已。此皆與賓射於朝。二正之侯也。一侯者。二正而巳。此皆與賓射於朝。

之禮也。考工梓人職曰。張五采之侯。則遠國屬遠。國謂諸侯來朝者也。五采之侯。即五正之侯也。正

之言正也。射者。內志正。則能中焉。畫五正之侯。中。朱。次白。次蒼。次黃。玄居外。三正。損玄黃。二正。去白。

蒼。而畫以朱。綠。其外之廣。皆居侯中。參分之一。中。二尺。今。儒。家。云。四尺曰正。二尺曰鵠。鵠乃用皮。其

大如正。此說失之矣。士與士射禮。射則以射皮飾侯。下大

夫也。大夫以上與賓射。飾侯以雲氣。用采各如其

正九節。七節五節者。奏樂以爲射節之。差言節者。其

則容侯道之數也。樂記曰。明乎其節之志。不失其事。

志。劉音。鴈重直龍反。杠音江。繩去白起。呂反。行下。政下

# 若王大射。則以狸步。張三侯。

謂鄭司農云。狸步。謂一舉足爲一步。於今爲半步。玄

量侯道法之也。侯道者。各以弓爲度。九節者。九十六

尺。大射禮曰。大侯九十。參七十。干五十。是也。三侯

也。張三侯。數與天子同。大侯熊侯也。列國之君。大射亦

讀為糝素感反干  
與犴同五旦反

王射則令去侯立于後以矢行告卒令取矢

鄭司農云射人主以矢行高下左侯所而立于後也  
以矢行告射人主以矢行高下左侯所而立于後也  
大射禮

揚曰大射曰正立于公後以矢行告于公下曰留上曰  
王則執矢也杜子春說不與禮經合疑非是也玄謂

卒取矢謂射卒射人令當取矢者使取矢也玄謂  
令去侯者命負侯者去侯也鄉

射曰司馬命獲侯者執旌以負也侯

祭侯則為位

祭侯獻服不服不以祭侯西北三步北面拜受爵之  
位也大射曰服不以祭侯西北三步北面拜受爵之

與大史數射中

射中數射者中侯之算也大射曰司射適階西  
釋弓去扑襲進由中東立于中南北面視算



佐司馬治射正。

射正射之法儀也。

祭祀則贊射牲相孤卿大夫之灋儀。

烝嘗之禮有射豕者國語曰禘郊之事天子必自射其牲今立秋有驅劉云○驅力朱反

會同朝覲作大夫介凡有爵者。

作讀如作止爵之作諸侯來至王使公卿有事焉則作大夫使之介也有爵者命士以上不使賤者

大師令有爵者乘王之倅車。

倅車戎車之副○倅車七內反

有大賓客則作卿大夫從。

作者選使從王見諸侯○從才用反

戒大史及大夫介。

戒戒其當行者。覲禮曰：諸公奉篋服，加命書于其上，升自西階，東面。大史氏右。

大喪與僕人遷尸，作卿大夫掌事，比其廬，不敬者苛

罰之。

僕人，大僕也。僕人與射人俱掌王之朝位也。王崩，小斂，大斂，遷尸于室堂，朝之象也。檀弓曰：扶君，卜

人師扶右，射人師扶左，君薨，以是舉。苛，謂詰問之。○比，毗志反。苛，呼何反。朝直遙反。

**服不氏，掌養猛獸而教擾之。**

猛獸，虎豹熊羆之屬。擾，馴也。教，習使之馴服。王者之教無不服。

凡祭祀共猛獸。

謂中膳羞者。獸人冬獻狼，春秋傳曰：熊蹯不熟。○蹯音煩。

賓客之事則抗皮。

鄭司農云謂賓客來朝聘布皮帛者服不氏主舉藏之抗讀為亢其離之亢玄謂抗者若聘禮曰有

司二人舉皮以東

射則贊張侯以旌居乏而待獲。

贊佐也。大射禮曰命量人中車張三侯。杜子春云待當為持。書亦或為持。乏讀為匱。乏之乏持獲者

所蔽玄謂持獲待射者中。舉旌以獲。○中丁仲反。

**射鳥氏掌射鳥。**

鳥謂中膳羞者。鳧鴈鶉鶉之屬。○射食亦反。鳧音扶。鶉音保。鶉于苗反。

祭祀以弓矢毆鳥鳧凡賓客會同軍旅亦如之。

鳥鳧善鈔盜便汗人。○毆起俱反。鈔初教反。

射則取矢。矢在侯高，則以并夾取之。

鄭司農云：王射則射鳥氏，主取其矢。矢在侯高者，矢著侯，高人手不能及，則以并夾取之。并夾，取之并夾，鉞箭。

具夾讀為甲，故司弓矢職曰：大射燕射，共弓矢并夾。○著直略反，鉞其炎反。

**羅氏掌羅烏鳥**

烏屬。○卑音匹。鵲之屬。

**蜡則作羅襦**

作猶用也。鄭司農云：蜡謂歲十二月合聚萬物而索饗，特牲曰天子大蜡。謂歲十二月合聚萬物而索饗。

之襦，細密之羅。襦讀為縐，有衣袷之縐。可以羅網，亥之月此時火伏蟄者畢矣。豺既祭，獸可以羅網。

圍取禽也。王制曰：豺祭獸，然後田。又曰：昆蟲已蟄，可以火田。今俗放火張羅，其遺教。○襦，女俱反。注。

縐同袷，女居反。

中春羅春鳥獻鳩以養國老行羽物

春鳥鵙而始出者若今南郡黃雀之屬是時鷹化為鳩鳩與春鳥變舊為新宜以養老助生氣行謂

頌賜○中音仲

**掌畜**掌養鳥而阜蕃教擾之

阜猶盛也蕃蕃息也鳥之可養使盛大蕃息者謂鵝鶩之屬○鶩音木

祭祀共卵鳥

其卵可薦之鳥

歲時貢鳥物

以鵝鴈之屬以四時來

共膳獻之鳥

雉及鶉音純鶉音如之屬。○

周禮卷三十

周

禮

卷三十

司馬政官之職

五

中華書局聚



周禮卷三十一

漢大司農北海鄭玄註

明大後學東吳金蟠訂

司馬政官之職

司士掌羣臣之版以治其政令歲登下其損益之數辨其年歲與其貴賤周知邦國都家縣鄙之數卿大夫士庶子之數

損益謂用功過黜陟者縣鄙鄉遂之屬故書版為班鄭司農云班書或為版版名籍

以詔王治

告王所當進退



以德詔爵。以功詔祿。以能詔事。以久奠食。

德謂賢者。食稍食也。賢者既爵。乃祿之。能者事成。乃食之。王制曰。司馬辨論官材。論進士之賢者。以

告于王。而定其論。論定。然後官之。任官。然後爵之。位定。然後祿之。○奠音定。乃食音嗣。

惟賜無常。

賜多少由王。不  
如祿。食有常品。

正朝儀之位。辨其貴賤之等。王南鄉。三公北面。東上。

孤東面。北上。卿大夫西面。北上。王族故士。虎士。在路

門之右。南面。東上。大僕大右。大僕從者。在路門之左。

南面。西上。

奠大百。奠北。奠。奠。文。括。

此王日視朝事。於路門外之位。王族故士。故為士。晚退。留宿衛者。未嘗仕。雖同族。不得在王宮。大右。

珍做宋版印

司右也。大僕從者。小臣祭僕御僕隸僕。○朝直遙反。鄉許亮反。大音泰。下倣此。

### 司士擯

詔王出揖公卿大夫以下朝者。

孤卿特揖大夫。以其等旅揖。士旁三揖。王還揖門左。

### 揖門右

特揖。一夫一揖之。旅衆也。大夫爵同者衆。揖之。乃就位。孤卿大夫始入門右。皆北面東上。王揖之。及

羣士及故士。大僕之屬發在上。中下羣士。揖之。東面。王西南鄉而揖之。三揖者。士有上中下。羣士位東面。王

遁既復位。鄭司農云。卿大夫士皆君之所。○遁音巡。所

### 大僕前

前正王視朝之位。

王入內朝皆退。

大王入。入路門也。王入路門。內朝。朝者皆退。反其官。府治處也。王之外朝。則朝士掌焉。玉藻曰。朝服以

日視朝於內朝。朝辨色始入。君日出而視之。退適路。寢聽政。使入視大夫。大夫退。然後適小寢。謂諸

侯也。王日視朝。皮弁服。其禮則同。

掌國中之士治。凡其戒令。

國中。城中。

掌擯士者。膳其摯。

擯士。告見初。為士者於王也。鄭司農云。膳其摯者。王食其所執。羔鴈之摯。玄謂膳者。入於王之膳。入。

○見賢遍反。食音嗣。

凡祭祀。掌士之戒令。詔相其灋事。及賜爵。呼昭穆而

進之。

凡賜爵神惠及下也。此所賜王之子姓兄弟。祭統曰：凡羣

有司皆以齒。此之謂長幼有序。○相息亮反。長丁丈反。

帥其屬而割牲羞俎豆。

割牲制體也。羞進也。

凡會同作士從賓客亦如之。

作士從謂可使從於王者。○從才用反。

作士適四方使爲介。

士使謂自以王命使也。介大夫之介也。春秋傳曰：天王使石尚來歸。○介上軫反。

大喪作士掌事。

大事謂奠  
斂之屬

# 作六軍之士執披。

之作謂使之戴也。披，柩車行所以扶持棺險者也。天子以結

於十二諸侯旁入大夫六士四玄謂結披必當棺東

人記曰君纁披六大夫披四前纁後玄士二披用纁

寄○披方  
反

# 凡士之有守者令哭無去守。

守官不可空也。○  
守守又反下皆同。

# 國有故則致士而頒其守。

故非喪  
則兵災

凡邦國三歲則稽士任而進退其爵祿。

任其所掌治

諸子掌國子之倅。掌其戒令。與其教治。辨其等。正其

位。

故書倅為卒。鄭司農云。倅讀如物。有副倅之倅。國子謂諸侯。卿大夫士之子也。燕義曰。古者周天子

之官。有庶子官。與周官諸子職同。文玄謂四民之業。而士者亦世焉。國子者是公卿大夫士之副貳。

戒令。致於大子之事。教治修德學道也。位。朝位。○倅。七內反。大子音泰。

國有大事。則帥國子而致於大子。惟所用之。若有兵甲之事。則授之車甲。合其卒伍。置其有司。以軍法治之。司馬弗正。

軍。灋。百。人。為。卒。五。人。為。伍。弗。不。也。國。子。屬。太。子。司。馬。雖。有。軍。事。不。賦。之。○。正。音。征。下。國。正。同。

凡國正弗及。

大祭祀正六牲之體。

正謂牝載之。

凡樂事正舞位授舞器。

位俯處。

大喪正羣子之服位會同賓客作羣子從。

從于王。

凡國之政事國子存遊倅使之脩德學道春合諸學。

秋合諸射以攷其藝而進退之。

遊倅倅之未仕者學大學也射射宮也王制曰春秋教以禮樂冬夏教以詩書王太子王子羣后之

太子卿大夫元士之適子國之俊選皆造焉○適丁歷反

司右掌羣右之政令

羣右戎右齊右道右○齊側皆反

凡軍旅會同合其車之卒伍而比其乘屬其右

合○比屬謂次第相安習也車亦有卒伍○比毗志反乘繩證反屬音燭

凡國之勇力之士能用五兵者屬焉掌其政令

勇力之士屬焉者選右當於中司馬灋曰弓矢圍及矛守戈戟助凡五兵長以衛短短以救長○及

殊音

虎賁氏掌先後王而趨以卒伍



王出將虎賁士居前後雖羣行亦有局分○賁音奔先悉薦反後戶豆反將子匠反分扶問反

軍旅會同亦如之舍則守王閑

○舍王出所止宿處閑榼榼○榼薄禮反榼戶故反榼榼

王在國則守王宮

衛為周

國有大故則守王門大喪亦如之

非常之難要在門○難乃旦反

及葬從遣車而哭

○遣車王之魂魄所馮依○從才用反馮皮冰反

適四方使則從士大夫

使虎士從

若道路不通。有徵事。則奉書以使之四方。

不通。逢兵寇。若泥水。奉書徵師役也。春秋隱公七年冬。戎伐凡伯于楚丘以歸。

旅賁氏。掌執戈盾。夾王車而趨。左八人。右八人。車止

則持輪。

夾王車者。其下士也。下士十有六人。中士為之帥焉。○盾常準反。

凡祭祀會同賓客。則服而趨。

服而趨。夾王車趨也。會同賓客。王亦齊服。服袞冕。則此士之齊服。服玄端。

喪紀。則衰葛執戈盾。

葛。葛經。武士尚輕。○衰。七雷反。

周

禮

卷三十一

司馬政官之職

六

中華書局聚

軍旅則介而趨。

介被甲

**節服氏**掌祭祀朝覲衮冕六人。維王之太常。

服衮冕者從王服也。維維之以縷。王旌十二旒。兩兩以縷綴連旁三人持之。禮天子旌曳地。鄭司農

云維持之

諸侯則四人。其服亦如之。郊祀裘冕二人。執戈送逆

尸從車。

裘冕者亦從尸服也。裘大裘也。凡尸服卒者之上服。從車從尸車送逆之往來。春秋傳曰。晉祀夏郊。

董伯為尸

**方相氏**掌蒙熊皮。黃金四目。玄衣朱裳。執戈揚盾。帥

百隸而時難。以索室毆疫。

蒙冒也。冒熊皮者。以驚毆疫。癘之鬼。如今魅頭也。時難。四時作方相氏。以驚難卻凶惡也。月令。季冬命

國難。索。度也。心難。乃多反。註同。毆。起俱反。魅。音欺。

大喪先匱。

葬使之道。先匱。悉薦反。下音極。道音導。

及墓入壙。以戈擊四隅。毆方良。

壙。穿地中也。方良。罔兩也。天子之梓柏。黃腸為裏。而表以石焉。國語曰。木石之怪。夔罔兩。○壙。苦晃

反。方良上音罔。下音兩。註同。夔。求龜反。

大僕掌正王之服位。出入王之大命。

服。王舉動所當衣也。位。立處也。出大命。王之教也。入大命。羣臣所奏行。

掌諸侯之復逆。

鄭司農云復謂奏事也逆謂受下奏

王眡朝則前正位而退入亦如之。

前正位而退道王王既立退居路門左待朝畢

建路鼓于大寢之門外而掌其政。

大寢路寢也其門外則內朝之中如今宮殿端門下矣政鼓節與早晏

以待達窮者與遽令聞鼓聲則速逆御僕與御庶子。

鄭司農云窮謂窮寃失職則來擊此鼓以達於王若今時上變事擊鼓矣遽傳也若今時驛馬軍書

當急聞者亦擊此鼓令聞此鼓聲則速逆御僕與御庶子也大僕主令此二官使速逆窮遽者玄謂

達窮者謂司寇之屬朝士掌以肺石達窮民聽其辭以告于王遽令郵驛上下程品御僕御庶子直

王其事鼓所者大僕聞鼓聲則速逆此二官當受

祭祀賓客喪紀正王之服位詔灋儀贊王牲事。

詔告也。牲事殺。劉七載之屬。

王出入則自左馭而前驅。

前驅如今道引也。道而居左。自馭不驂乘。辟王也。亦有車右焉。○乘繩證反。辟音避。

凡軍旅田役贊王鼓。

王通鼓佐擊其餘面。

救日月亦如之。

日月食時春秋傳曰。皆在夜。非日月之眚不鼓。

大喪始崩戒鼓傳達于四方窆亦如之。

大戒鼓擊鼓以警衆也故書戒爲駭鄭司農云窆謂

葬下棺也春秋傳所謂日中而塋禮記謂之封皆

反

縣喪首服之灋于宮門

于首服之灋謂免髮笄總廣狹長短之數縣其書

掌三公孤卿之弔勞

勞王使往反

王燕飲則相其灋

相息亮反

王射則贊弓矢

贊問贊又音贊

贊謂授之受之

王眡燕朝則正位掌擯相

燕朝朝于路寢之庭王圖宗人之嘉事則燕朝

王不眡朝則辭于三公及孤卿

辭謂以王不視朝之意告之春秋傳曰公有疾不視朔

**小臣**掌王之小命詔相王之小灋儀

小命時事所勅問也小灋儀趨行拱揖之容

掌三公及孤卿之復逆正王之燕服位

謂燕居時也玉藻曰王卒食玄端而昏

王之燕出入則前驅



王燕出入若今游于諸  
觀苑○觀古喚反

大祭祀朝覲沃王盥

小祭祀賓客饗食賓射掌事如大僕之灋

賓射與諸侯來朝者射○盥音管

掌士大夫之弔勞

凡大事佐大僕

〔祭僕〕掌受命于王以眡祭祀而警戒祭祀有司糾百

官之戒具

謂王有故不親祭也祭祀有司有事於祭祀者糾謂校錄所當共之牲物

既祭帥羣有司而反命以王命勞之誅其不敬者大

喪復于小廟。

小廟高祖以下也。始祖曰太廟。春秋僖八年秋七月禘於太廟。

凡祭祀王之所不與則賜之禽。都家亦如之。

鄭司農云：王之所不與，謂非郊廟尊祭祀則王不與也。則賜之禽，公卿自祭其先祖，則賜之禽也。王不

謂王所不與，同姓有先王之廟。○與音預，註同。

凡祭祀致福者，展而受之。

其臣有祭事，必致祭肉於君，所謂歸胙也。展，謂錄視其牲體數體數者，太牢則以牛左肩臂，臠折九個。

○少牢則以羊左肩七個，特牲則以豕左肩五個。胙存故反，臠奴報反，折之舌反，个古賀反。

御僕掌羣吏之逆及庶民之復，與其弔勞。

大羣吏以下。

大祭祀相盥而登。

相盥者謂奉槃授巾與登謂為王登牲體於俎特牲饋食禮主人降盥出舉入乃匕載○奉芳勇反

為偽反于

大喪特娶。

娶棺飾也特之者夾蜃車○娶所甲反

掌王之燕令。

燕居時之令

以序守路鼓。

序更庚更音庚

隸僕掌五寢之埽除糞洒之事。

廟五寢五廟之寢也。周天子七廟。後曰寢。汜埽曰埽。埽席。繹繹相連貌也。前曰廟。後曰寢。汜埽曰埽。埽席。  
前曰拚洒灑也。鄭司農云。洒當為灑。反。糞方問語曰。洒所賣反。灑所買反。

### 祭祀脩寢。

於廟祭寢或有事焉。月令。凡新物寢先薦寢廟。

### 王行洗乘石。

鄭司農云。乘石。王所登上車之石也。詩云。有扁斯石。履之卑兮。謂上車所登之石。○乘如字。上時掌

反。下同。扁邊典反。

### 掌蹕宮中之事。

宮中。有事則蹕。鄭司農云。蹕。謂止行者。清道。若今時做蹕。

周

禮

卷三十一

司馬政官之職

十一

中華書局聚

大喪復於小寢。大寢。

小寢高祖以下廟之寢也。始祖曰大寢。

周禮卷三十一

周禮卷三十二

王之大司農北海鄭玄註

明後學東吳葛籛訂

司馬政官之職

弁師掌王之五冕皆玄冕朱裏延紐

冕服有六而言五冕者大裘之冕蓋無旒不聯數也延冕之覆在上是以名焉紐小鼻在武上弁所

貫也今時冠卷當簪者廣袤以冠縱其舊象與○數所主反卷起全反袤音茂縱所買反

五采繅十有二就皆五采玉十有二玉笄朱紘

繅雜文之名也合五采絲為之繩垂於延之前后各十二所謂邃延也就成也繩之每一而貫五

采玉十二旂則十二玉也每就閒蓋一寸朱紘以朱組為紘也紘一條屬兩端於武繅不言皆有

皆驚衣者。此為衮衣之冕。用玉十二。百旒。則用玉二百。八旒。七

旒。用玉三百。六旒。用玉七。十二。○冕五旒。用玉百。二十。玄

衣。之。冕。三。旒。用。玉。七。十。二。○。冕。五。旒。用。玉。百。二。十。玄。

諸侯之纁旒九就。璿玉三采。其餘如王之事。纁旒皆

就。玉瑱玉笄。

侯當為公。字之誤也。三采。朱白蒼也。其餘。謂延組

玉瑱。塞耳者。故書璿作璿。鄭司農云。纁當為藻。纁

依古字音也。藻。今字也。同璿。亡。貧。反。瑱。吐。練。反。侯

王之皮弁會五采玉璫象邸玉笄。

故書會作會。鄭司農云。讀如馬會之會。謂以五采

或獲 文指

珍微宋版印

異耳。說曰：以組束髮，乃著笄，謂之檜。沛國人謂反紒為醴。璣，讀如綦車轂之綦。玄謂：會，讀如大會之會。縫中，每貫結五采玉十二，以爲飾。謂之綦。綦，結也。皮弁之弁，如星。又曰：其弁，伊綦是也。邱下，抵也。以象骨爲之。○會，劉古外反。注同。弁，醴檜二字亦同。璣，音其。著，張略反。劉，音計。抵，丁禮反。劉，音帝。

### 王之弁經弁而加環經。

弁，經王弔所服也。其弁如爵弁而素，所謂素冠也。而加環經，環經者，大如緦之麻經，纏而不糾。司服職曰：凡吊事，弁經服。

諸侯及孤卿大夫之冕，韋弁皮弁，弁經各以其等爲之。而掌其禁令。

各以其等。纁旂玉璣，如其命數也。冕則侯伯纁七，就用玉九十八。子男纁五，就用玉五十。纁玉皆三



采八孤再命之。大夫藻再就。用玉三命之。卿纁三就。用玉

則弁。皮弁則侯。伯璫飾七子。男璫飾五。玉亦三采。孤

玉亦二采。弁冠之弁。其辟積如冕。纁之就然。庶人

令弁者。不得相僭踰也。玉藻曰。君未有命。不敢即積。禁

服。服不言冠。弁冠弁兼於韋弁皮弁矣。不言服弁。

司甲

闕

司兵。掌五兵五盾。各辨其物。與其等。以待軍事。

五盾。干櫓之屬。其名未盡聞也。等。謂功沽上下。鄭司農云。五兵者。戈。及。戟。酋。矛。夷。矛。○櫓音魯。

及授兵。從司馬之灋。以頒之。及其受兵。輸亦如之。及

其用兵亦如之。

燕從司馬之法令師旅卒兩人數所用多少也兵輸謂師還。有司還兵也。用兵謂出給衛守。○卒于忽。

反

祭祀授舞者兵。

授以朱干玉戚之屬。

大喪廞五兵。

故書廞為淫。鄭司農云：淫，陳也。淫，讀為廞。玄謂廞，與也。與，作明器之役器。五兵也。士喪禮下篇有甲。

胄于箒。○廞，虛金反。興，虛應反。下同。箒，字又作箒。側，白反。

軍事建車之五兵會同亦如之。

卒之五兵。鄭司農所云者，是也。步卒之五兵，則無夷矛而有弓矢。

司戈盾掌戈盾之物而頒之。

分與授用

祭祀授旅賁及故士戈盾授舞者兵亦如之

軍亦頌之也故士王族故士也與旅賁當事則衛王也及如杖長尋有四尺

軍旅會同授貳車戈盾建乘車之戈盾授旅賁及虎

士戈盾

乘車王所乘車也軍旅則革路會同則金路○乘繩證反後乘馬陪乘參乘皆準此注依字讀

及舍設藩盾行則斂之

舍止也藩盾可以藩衛者如今之扶蘇與

司弓矢掌六弓四弩八矢之灋辨其名物而掌其守

藏與其出入

兵之藏也出入謂之灋辨其名物而掌其守藏也

灋曲直長短之數

# 中春獻弓弩中秋獻矢箛

弓弩成於和矢箛成於堅箛盛矢器也  
以獸皮爲之○中音仲箛音服盛音成

及其頒之。王弓弧弓。以授射甲革楛質者。夾弓庾弓。以授射豻侯鳥獸者。唐弓大弓。以授學射者。勞者。

王弧夾庾唐大六者弓異體之名也往體寡來體多曰王弧往體多來體寡曰夾庾往體來體若一體

也曰唐大甲革甲也春秋傳曰蹲甲而射之質正也樹楛以爲射正射甲與楛試弓習武也豻侯五

十步及射鳥獸皆近射也近射用弱弓則射大侯者用王弧射參侯者用唐大矣學射者弓用中後

習強弱則易也使者勞者弓亦用中遠近可也勞者勤勞王事若晉文侯文公受王弓矢之賜者故

書樞為鞬鄭司農云樞字或作鞬非是也圍師職曰射則充樞質又此司樞弓矢職曰澤共射樞質之

鞬質者非射樞質自有弓亦謂下以意求之此觀之言

同犴音岸使者所吏反注

其矢箛皆從其弓。

從弓數也每弓者一箛百矢

凡弩夾庾利攻守唐大利車戰野戰。

攻城壘者與其自守者相迫近弱弩發疾也車戰野戰進退非強則不及弩無王弧王弧恒服弦往

體少者使矢不疾

凡矢枉矢絜矢利火射用諸守城車戰殺矢鏃矢用

諸近射田獵矰矢蕩矢用諸弋射恒矢瘳矢用諸散

射

懷燕休共司天改樓衣衣

此入矢者弓弩各有四焉枉矢殺所殺也恒矢者取

名變星飛行者皆可光今之飛矛是也或謂之兵矢重

後微輕行疾也殺司候言中則死鏃矢象焉鏃之言

矢重中深而不可遠也二者皆可以矢謂之矰矰高也

安也前於重也微輕行不低也詩云弋鳧與鴈恒矢

屬射及習射也前前後後訂其行平也凡矢之制在二

在後矰矢之屬七分三在前庫矢讀為入罷短之屬軒

音增第扶弟反痺病之痺痺之言倫比○鏃音候矰

反刺二孳反物反毗鞠定周反

天子之弓。合九而成規。諸侯合七而成規。大夫合五而成規。士合三而成規。句者謂之弊弓。

體往來之衰也。往體寡來體多。則合多往體多來體寡則合少而圓弊猶惡也。句者惡則直者善矣。

○弊。婢世反。衰初危反。

凡祭祀共射牲之弓矢。

射牲示親殺也。殺牲非尊者所親。惟射為可。國語曰。禘郊之事。天子必自射其牲。

澤共射。榘質之弓矢。

鄭司農云。澤澤宮也。所以習射。選士之處也。射義曰。天子將祭。必先習射於澤。澤者所以擇士也。已

射於澤而後射於宮。射中者得與於祭。○與音預。

大射。燕射。共弓矢。如數。并夾。

如數如當射者之數也。每入一弓，乘矢并夾。矢，籥也。○乘，繩證反。籥，劉奴輒反。又，女十反。

大喪共明弓矢。

弓，矢明器之用器也。士喪禮下篇曰：用器弓矢。

凡師役會同，頒弓弩各以其物，從授兵甲之儀。

物，弓弩矢箠之屬。○從，才用反。

田弋充籠箠矢，共矐矢。

籠，竹箠也。矐，矢不在箠者為其相繞亂。將用乃共之。○為于偽反。

凡亡矢者，弗用則更。

棄之則不償。

繕人掌王之用弓弩矢箠矐弋挾拾。





斂藏之也。詩云：彤弓召兮。受言藏之。○詔昌遙反。

無會計。

士敗多少不計。會古外反。下大會同。後放此。

○稟人掌受財于職金以齎其工。

直齎其工者給市財用之。○齎音咨。後皆同。

弓六物爲三等。弩四物亦如之。

三等者上中下。人各有所宜。弓人職曰：弓長六尺六寸謂之上。制上士服之。弓長六尺三寸謂之中。

制中士服之。弩及矢箛長六尺。謂之下。制下士服之。弩及矢箛長短之制未聞。

矢八物皆三等。箛亦如之。春獻素。秋獻成。

矢箛春作秋成。

周

禮

卷三十二

司馬政官之職

七

中華書局聚

書其等以饗工。

鄭司農云書工攻拙高下之等以制其饗食也。玄謂饗酒肴勞之也。上工作上等其饗厚。下工作下

等。其饗薄。勞。洛報反。

乘其事。試其弓弩。以下上其食而誅賞。

鄭司農云乘計也。計其事之成功也。故書試為考。玄謂考之而善則上其食尤善。又賞之。否者反此。

掌。下上時反。注同。

乃入功于司弓矢及繕人。

成功。

凡齎財與其出入皆在橐。人以待會而攷之。亡者闕

之。

皆在橐人藏之者所齎工之財及弓弩矢箠棄亡者除之計

書橐人藏之闕猶除也弓弩矢箠棄亡者除之計

### 戎右掌戎車之兵革使

使謂王使以兵有所誅斬也春秋傳曰戰於穀晉

梁弘御戎萊駒為右戰之明日襄公縛秦囚使萊

### 詔贊王鼓

駒以戈斬之○使色吏反注使謂同

### 傳王命于陳中

既告王當鼓之節又助擊之

### 會同充革車

為王大言之也○陳直慎反為于偽反

會同王。雖乘金路。猶以革路從行也。充之者。謂居左也。曲禮曰。乘君之乘車。不敢曠左。

盟則以玉敦辟盟。遂役之。

鄭司農云。敦。器名也。辟。法也。玄謂將敵血者。先執其器。為衆陳。其載辭。使心皆開。辟也。役之者。傳敦。

○血授當敵者。敦音對。

贊牛耳。桃茹。

鄭司農云。贊。牛耳。春秋傳所謂執牛耳者。故書茹為滅。杜子春云。滅當為厲。玄謂尸盟者。割牛耳取

血助為之。及血在敦中。以桃茹拂之。又助之也。耳者。盛以珠盤。尸盟者。執之。桃。鬼所畏也。茹。菘。帚。所

以掃不祥。○茹音列。盛音成。菘音條。帚之受反。

齊右。掌祭祀會同賓客。前齊車。王乘則持馬。行則陪

乘。

齊車金路王自整齊之車也前之者已駕王未乘之時陪乘參乘謂居右也齊右與齊僕同車而有

祭祀之事則兼玉路之右然則戎右兼田右與○齊側皆反下齊車齊僕皆同

凡有牲事則前馬

王見牲則拱而式居馬前卻行備驚奔也曲禮曰國君下宗廟式齊牛

道右掌前道車王出入則持馬陪乘如齊車之儀

道車象路也王行道德之車

自車上諭命于從車

自由○從才用反

詔王之車儀

顧式之屬

王式則下前馬。王下則以蓋從。

以蓋從表尊

大馭掌馭王路以祀。及犯軼。王自左馭。馭下祝。登受。轡犯軼。遂驅之。

行山曰軼。犯之者。封土為山象。以苦芻棘柏為神主。既祭之。以車轢之而去。喻無險難也。春秋傳曰。

書軼。涉山川。自由也。王由左馭。禁制馬使不行也。故

謂祖道。轢軼。磔犬也。詩云。載謀載軼。惟取蕭祭脂。取

乃舍軼。飲酒于其側。禮家說亦謂道祭也。軼。蒲末

磔。陟格反。羝。丁兮反。舍音釋。

及祭酌僕。僕左執轡。右祭兩軼。祭軌。乃飲。

故書軻為軒。軌為範。杜子春言。又云。文當如此。左不當重。重非是。書亦或如子春言。又云。軒當作軻。軻謂

兩轡也。其或言軻亦非是。又云。軻當為軻。軻謂車前軻也。或讀軒為簪。笄之笄。○軻音止。軌音犯。注

軌同。軒劉音雞。重直龍反。龍反。音衛。軌當媿。美反。又音犯。

凡馭路。行以肆夏。趨以采薺。

凡馭路。謂五路也。肆夏。采薺樂章也。行。謂大寢。至路門。趨。謂路門。至應門。○薺。才私反。

凡馭路儀。以鸞和為節。

舒疾之法也。鸞在衡和在軾。皆以金為鈴。

戎僕掌馭戎車。

戎車。革路也。師出。王乘以自將。○將。子匠反。

掌王倅車之政。正其服。



倅副也服謂衆乘戎車者之衣服○倅七內反

犯較如玉路之儀凡巡守及兵車之會亦如之

如在軍

掌凡戎車之儀

凡戎車衆之兵車也書序曰武王戎車三百兩

**齊僕**掌馭金路以賓

以待賓客

朝覲宗遇饗食皆乘金路其灋儀各以其等為車送

逆之節

節謂王乘車迎賓客及送相去遠近之數上公九十步侯伯七十步子男五十步司儀職曰車逆拜

出車送

道僕掌馭象路以朝夕燕出入其灋儀如齊車

朝夕朝朝莫夕○朝夕直遙反朝朝上如字莫夕音暮

掌貳車之政令

貳亦

田僕掌馭田路以田以鄙

田路木路也田田獵也鄙循行縣鄙○行下孟反

掌佐車之政

佐亦副

設驅逆之車

驅驅禽使前趨獲逆衙還之使不出圍○衙本又作御同五嫁反

令獲者植旌

以告獲也植樹也

及獻比禽

田弊獲者各獻其禽比種物相從次數之○比毗志反

凡田王提馬而走諸侯晉大夫馳

提猶舉也晉猶抑也使人不叩而舉之抑之皆止奔也馳放不扣

馭夫掌馭貳車從車使車

貳車象路之副也從車戎路田路之副也使車驅逆之車

分公馬而駕治之

乘調六  
種之馬

周禮三十二

周

禮

卷三十二

司馬政官之職

十三

中華書局聚



周禮卷三十三

漢大司農北海鄭玄註

明後學東吳金蟠訂

司馬政官之職

校人掌王馬之政

政謂差擇養乘之數也月令曰班馬政

辨六馬之屬種馬一物戎馬一物齊馬一物道馬一物田馬一物駑馬一物

種謂上善似母者以次差之玉路駕種馬戎路駕戎馬金路駕齊馬象路駕道馬田路駕田馬駑馬

給宮中之役

凡頒良馬而養乘之。乘馬一師。四圉三乘為皐。皐一趣馬。三皐為繫。繫一馭夫。六繫為廢。廢一僕夫。六廢成校。校有左右。駑馬三良馬之數。麗馬一圉。八麗一師。八師一趣馬。八趣馬一馭夫。

良善也。善馬五路之馬。鄭司農云。四匹為乘。養馬為圉。故春秋傳曰。馬有圉。牛有牧。玄謂二耦為乘。

師趣馬。馭夫。僕夫。帥之名也。趣馬。下士。馭夫。中士。則僕夫。上士也。自乘至廢。其數二百一十六匹。易

乾為馬。此應乾之筴也。至校變為言成者。明六馬為一廢。而王馬小備也。校有左右。則良馬一種者。

四百三十二匹。五種合二千一百六十三匹。駑馬三百之。則為千二百九十六匹。五良。一駑。凡三千四百

五十六匹。然後王馬大備。詩云。駑牝三千。此謂王馬之大數。與麗耦也。駑馬自圉至馭夫。凡馬千二

十四匹。與三良馬之數。不相應。八皆宜為六。三字之誤也。師十二匹。趣馬七十二匹。則馭夫四百三十

二匹矣。然後而三之。既三之。無僕夫者。不駕。走於五路。卑之也。○乘繩證。反。注同。阜才。早反。趣倉。走反。

繫音計。廢九。又反。

天子十有二閑。馬六種。邦國六閑。馬四種。家四閑。馬

二種。

降殺之差。每廢為一閑。其駑馬則皆分為三焉。○殺所夫有田馬各一閑。其駑馬則皆有齊馬道馬田馬大

反界。

凡馬特居四之一。

欲其乘之性相似也。物同氣則心一。鄭司農云。四之一者。三牝一牡。

春祭馬祖。執駒。

馬祖。天駟也。孝經說曰。房為龍馬。鄭司農云。執駒無令近母。猶攻駒也。二歲曰駒。三歲曰駟。玄謂執



猶拘也。春通淫。反之時。駒弱血氣未定。為其乘匹。傷之。○令力呈反。下令皆同。駮音肇。為于偽反。

### 夏祭先牧。頒馬攻特。

先牧。始養馬者。其人未聞。夏通淫之後。攻其特。為其蹄齧不可乘用。鄭司農云。攻特。謂騾之。○騾音繩。

### 秋祭馬社。臧僕。

馬社。始乘馬者。世本作曰。相土。謂僕馭。五路之僕。臧僕。謂簡練馭者。令皆善也。玄謂僕馭。五路之僕。

○相息亮反。

### 冬祭馬步。獻馬。講馭夫。

馬步。神為災害馬者。獻馬。見成馬於王也。馭夫。馭貳車。從車使車者。講猶簡習。○見賢。遍反。從才用。

反。

凡大祭祀朝覲會同毛馬而頒之。

毛馬齊其色也。頒投當乘者。

飾幣馬執扑而從之。

鄭司農云校人主飾之也。幣馬以馬遺人當幣處者也。聘禮曰馬則北面奠幣于其前士喪禮下篇

曰薦馬纓三就入門北面交轡。圍人夾牽之。馭者執策立于馬後。○遺惟季反。

凡賓客受其幣馬。

賓客之幣馬來朝聘而享王者。

大喪飾遣車之馬及葬狸之。

言狸之則是馬塗車之芻靈。

田獵則帥驅逆之車。

帥猶將也

凡將事于四海山川則飾黃駒。

四海猶四方也。王巡狩過大山川則有殺駒以祈沈禮與玉人職有宗祝以黃金勺前馬之禮。

凡國之使者共其幣馬。

使者所用私覲

凡軍事物馬而頒之。

物馬齊其力

等馭夫之祿。

馭夫於趣馬僕夫為中舉中見上下

宮中之稍食。

禮會同于燕而餘之

師圍府史以下也。鄭司農云稍食曰廩。

**趣馬**掌贊正良馬而齊其飲食。簡其六節。

贊佐也。佐正者謂校人臧僕講馭夫之時。簡差也。節猶量也。差擇王馬以為六等。

**掌駕說之頒**

用馬之第次。○說始銳反。

**辨四時之居治以聽馭夫**

居謂牧序所處治為執駒攻特之屬。○序音雅。

**巫馬**掌養疾馬而乘治之。相醫而藥攻馬疾。受財于

校人。

乘謂驅步以發其疾。知所疾處。乃治之相助也。○相息亮反。

馬死則使其賈粥之入其布于校人。

布泉也。鄭司農云。賈謂其屬官小吏。賈二人。粥賣也。○粥音育。

**牧師**掌牧地皆有厲禁而頒之。

頒馬授圍者所牧處。

孟春焚牧中春通淫。

焚牧地以除陳生新草也。中春陰陽交。萬物生之時。可以合馬之牝牡也。月令。季春。陰陽交。萬物生之。遊牝于牧。秦時書也。秦地寒涼。萬物後動。○中音仲。累力追反。

掌其政令。凡田事贊焚萊。

焚萊者。山澤之虞。

**庾人**掌十有二閑之政。教以阜馬。佚特。教駢。攻駒。及

祭馬祖祭閑之先牧及執駒散馬耳。圉馬。

九者皆有政教焉。阜盛壯也。詩云：四牡孔阜。杜子春云：佚當為逸。鄭司農云：馬三歲曰駮，二歲曰駒。

散讀為中散大夫之散。謂聒馬耳。毋令善驚也。玄謂逸者用之，不使甚勞，安其血氣也。教駮始乘習。

之也。攻駒制其蹄齧者，閑之先牧。先牧制閑者，散馬耳。以竹括押其耳頭，動搖則括中物。後遂串習。

不復驚。○聒古活反，毋音無，令力呈反。中物，丁仲反。復扶又反。

### 正校人員選

校人，謂師圉也。正員，選者。選擇可備員者，平之。

馬八尺以上為龍，七尺以上為駮，六尺以上為馬。

大小異名。爾雅曰：駮，牝驪。牡，玄駒。褒，驂。鄭司農說以月令曰：駕蒼龍。○褒，奴了反。鄭

**圉師**掌教圉人養馬。春除蓐，釁廄，始牧。夏序馬，冬獻

馬射則充椹質。茨牆則翦闔。

曰。蓐。馬。茲。也。馬。既。出。而。除。之。新。釁。焉。神。之。也。春。秋。傳。曰。凡。馬。月。中。而。出。日。中。而。入。故。字。房。為。訝。鄭。司。農。

云。當。為。房。玄。謂。房。無。也。無。所。以。庇。馬。涼。也。充。猶。居。也。茨。蓋。也。闔。苦。也。椹。質。翦。闔。圍。人。所。習。也。杜。子。春。

讀。椹。為。齊。人。言。鈇。椹。之。椹。質。所。射。者。習。射。處。○。蓐。音。辱。茨。在。私。反。無。亡。甫。反。射。食。亦。反。

圍人掌養馬芻牧之事以役圍師。

役者圍師使令焉。

凡賓客喪紀牽馬而入陳。

賓客之馬王所以賜之者詩云雖無予以路車乘馬喪紀之馬啓後所薦馬。

廡馬亦如之。

廡馬遣車之馬入捧之亦牽而入陳○捧扶恭反。

職方氏掌天下之圖以掌天下之地辨其邦國都鄙四夷八蠻七閩九貉五戎六狄之人民與其財用九穀六畜之數要周知其利害

天下之圖如今司空輿地圖也鄭司農云東方曰夷南方曰蠻西方曰戎北方曰貉狄玄謂閩蠻之

別也國語曰閩芋蠻矣四八七九五六周之所服國數也財用泉穀貨賄也利金錫竹箭之屬害神

謂之四海○閩土巾反貉孟白反畜許六反劉音

如

乃辨九州之國使同貫利

貫事也

東南曰揚州其山鎮曰會稽其澤藪曰具區其川三



江其浸五湖其利金錫竹箭其民二男五女其畜宜鳥獸其穀宜稻

五鎮名山在吳南浸可以為陂灌漑者錫鐵也箭篠也

鳥獸孔雀鸞鳩鵠犀象之屬故書箭為晉杜子春云晉當為箭書亦或為箭

鐵音臘篠素了反鵠音交鵠音精

正南曰荊州其山鎮曰衡山其澤藪曰雲薈其川江漢其浸潁湛其利丹銀齒革其民一男二女其畜宜鳥獸其穀宜稻

此衡山在湘南雲薈在華容潁出陽城宜屬豫州在此非也湛未聞齒象齒也革犀兕革也杜子春云

湛讀當為人名湛之湛或為淮○薈亡貢反

天下之世幾其非國猶猶

河南曰豫州。其山鎮曰華山。其澤藪曰圃田。其川滎。雒。其浸波澆。其利林漆絲枲。其民二男三女。其畜宜六擾。其穀宜五種。

華山在華陰圃田在中牟滎兗水也出東垣入于河。洸為滎。滎在滎陽。波讀為播。禹貢曰滎播既都。春秋傳曰楚子除道梁澆營軍臨隨。則澆宜屬荊州。在此非也。林竹木也。六擾馬牛羊豕犬雞五種。

黍稷菽麥稻。澆音詐。都本或作豬。

正東曰青州。其山鎮曰沂山。其澤藪曰望諸。其川淮。泗。其浸沂沭。其利蒲魚。其民二男二女。其畜宜雞狗。其穀宜稻麥。

沂山沂水所出也。在蓋望諸明都也。在睢陽沭出東莞。二男二女。數等似誤也。蓋當與兗州同。二男

三女鄭司農云淮或爲  
睢泚或爲洙○泚音迷

河東曰兗州其山鎮曰岱山其澤藪曰大野其川河  
泚其浸廬維其利蒲魚其民二男三女其畜宜六擾  
其穀宜四種

岱山在博。大野在鉅野。廬維當爲雷雍。字之誤也。  
禹貢曰：雷夏既澤。雍沮會同。雷夏在城陽。四種黍。

稷稻麥○  
泚子禮反○

正西曰雍州其山鎮曰嶽山其澤藪曰弦蒲其川涇  
汭其浸渭洛其利玉石其民三男二女其畜宜牛馬  
其穀宜黍稷

嶽吳嶽也。及弦蒲在汧。涇出涇陽。汭在豳地。詩大  
雅公劉曰：汭垢之卽。洛出懷德。鄭司農云：弦或爲

汧。蒲或為浦。○雍於用反。納如銳。反。汧口千反。坳弓大反。詩作鞫。

東北曰幽州。其山鎮曰醫無閭。其澤藪曰獫狁。其川河涉。其浸菑時。其利魚鹽。其民一男三女。其畜宜四

擾。其穀宜三種。

醫無閭在遼東。獫狁在長廣。菑時出萊蕪。時出般陽。四擾馬牛羊豕三種。黍稷稻。杜子春讀獫為奚。○

獫音兮般。步干反。

河內曰冀州。其山鎮曰霍山。其澤藪曰楊紆。其川漳。其浸汾潞。其利松柏。其民五男三女。其畜宜牛羊。其

穀宜黍稷。

霍山在彘陽紆所在未聞。章出長子。汾出汾陽潞出歸德。○汾扶文反。長子丁丈反。

正北曰并州其山鎮曰恆山其澤藪曰昭餘祁其川  
虜池嘔夷其浸涑易其利布帛其民二男三女其畜  
宜五擾其穀宜五種

恆山在上曲陽昭餘祁在鄆虜池出鹵城嘔夷祁  
夷與出平舒涑出廣昌易出故安五擾馬牛羊犬  
豕五種黍稷菽麥稻也凡九州及山鎮澤藪言曰  
者以其非一曰其大者耳此州界揚荊豫兗雍冀

與禹貢略同青州則徐州地也幽并則青冀之  
北也無徐梁○虜喚胡反池徙多反區烏侯反

乃辨九服之邦國方千里曰王畿其外方五百里曰  
侯服又其外方五百里曰甸服又其外方五百里曰  
男服又其外方五百里曰采服又其外方五百里曰  
衛服又其外方五百里曰蠻服又其外方五百里曰

夷服。又其外方五百里曰鎮服。又其外方五百里曰

藩服。類各以其所

服。服事天子也。詩云。侯服于周。

凡邦國千里封公。以方五百里則四公。方四百里則六侯。方三百里則七伯。方二百里則二十五子。方百里則百男。以周知天下。

以此率徧知四海九州邦國多少之數也。方千里者為方百里者百以方三百里之積以九約之得

十一有奇云七伯者字之誤也。周九州之界方七千里。七七四十九方千里者四十九其一為畿內。

餘四十八入州各有方千里者六。周公變殷湯之制。雖小國地皆方百里。是每事言則者設法也。設

法者。可以待有功而大其封。一州之中。以其千里封公。則可以四。又以其千里封侯。則可以六。又以其千里

以封伯則千里封男則又可以其千里封子男則可二十五也

州之二百一十國以男備其數焉其餘以爵稱子而已

鄭司農云此制亦見大司徒職曰諸公之地方三百里諸

里○之地方二百里諸侯之地方四百里諸伯之地方三百里

### 凡邦國小大相維

大國比小國小國事大國各  
有屬相維聯也○比毗志反

### 王設其牧

選諸侯之賢者  
為牧使牧理之

### 制其職各以其所能

牧監參伍之屬  
用能所任秩次

制其貢各以其所有。

國之地物所有

王將巡守則戒于四方曰各脩平乃守攷乃職事無

敢不敬戒國有大刑。

乃猶女也守謂國竟之內職事所當共具○女音汝竟音境共音恭

及王之所行先道帥其屬而巡戒令

先道先由王所從道居前行其前日所戒之令

王殷國亦如之。

殷猶衆也十二歲王若不巡守則六服盡朝謂之殷國其戒四方諸侯與巡守同○朝直遙反

〔土方氏〕掌土圭之法以致日景。



致日景者。夏至景尺有五寸。冬至景丈三尺。其間則日有長短。

以土地相宅。而建邦國都鄙。

土地猶度地。知東西南北之深。而相其可居者。宅居也。○相息亮反。度待洛反。深尺。鳩反。

以辨土宜。土化之灋。而授任地者。

土宜。謂九穀。植穉所宜也。土化。地之輕重。糞種所宜用也。任地者。載師之屬。

王巡守。則樹王宮。

為之藩羅。

懷方氏。掌來遠方之民。致方貢。致遠物。而送逆之。達

之以節。

遠方之民。四夷之民也。諭德延譽以來之。遠物。九州之外。無貢灋而至者。達民以旌節。達貢物以璽。

節

治其委積館舍飲食。

續食其往來。  
○續食音嗣。

**合方氏**掌達天下之道路。

津梁相奏  
不得陷絕。

通其財利。

茂遷其  
有無。

同其數器。

權衡不得  
有輕重。

壹其度量。

尺丈釜鍾不  
得有大小

除其怨惡。

怨惡邦國  
相侵虐

同其好善。

所好所善謂風俗所  
高尚。○好呼報反。

訓方氏掌道四方之政事。與其上下之志。

道猶言也。為王說之。四方諸侯  
也。上下君臣也。○為于僞反。

誦四方之傳道。

傳道世世所傳說往古之事也。為王誦之。若今論  
聖德堯舜之道矣。故書傳為傳。杜子春云。傳當作論。

傳書亦或為傳。○  
傳直專反。注同。

正歲則布而訓四方。

布告以教天下。使知世所善惡。

而觀新物。

四時於新物出則觀之以知民志所好惡。志淫行辟則當以政教化正之。○惡烏路反。行辟下孟反。

下匹亦反。

形方氏掌制邦國之地域而正其封疆無有華離之地。

杜子春云離當為雜書亦或為雜。文謂矣。除其中華讀為瓜哨之瓜。正之使不瓜邪離絕。

使小國事大國。大國比小國。

比猶親也。易比象曰先王以建萬國親諸侯。

山師掌山林之名辨其物與其利害而頒之于邦國使致其珍異之物

山林之名與物若岱畎絲枲嶧陽孤桐矣利其中人用者害毒物及螫噬之蟲獸○畎古犬反螫音釋

川師掌川澤之名辨其物與其利害而頒之于邦國使致其珍異之物

川澤之民與物若泗濱浮磬淮夷蠙珠暨魚澤之萑蒲○蠙薄田反

邊師掌四方之地名辨其丘陵墳衍邊隰之名

地名謂東原大陸之屬○邊音原

物之可以封邑者

物之謂相其土地可以  
居民立邑。相息亮反。

匡人掌達灋則。匡邦國而觀其慝。使無敢反側。以聽

王命。

灋則入灋入則也。邦國之官府都鄙亦用焉。慝姦  
偽之惡也。反側猶背達灋度也。書曰無反無側。王

直道正

之。擇人掌誦王志。道國之政事。以巡天下之邦國而語

道猶言也。以王之志與政  
事諭說諸侯。使不迷惑。

使萬民和說而正王面。

面猶鄉也。使民之心曉而正  
鄉王。音悅。鄉許亮反。

都司馬掌都之士庶子及其衆庶車馬兵甲之戒令

庶子。卿大夫士之子。車馬兵甲備軍發卒。

以國灋掌其政學

政謂賦稅也。學修德學道。○政音征。

以聽國司馬

聽者。受行其所徵為也。國司馬。大司馬之屬。皆是。

家司馬亦如之

大夫家臣為司馬者。春秋傳曰。叔孫氏之司馬。罷戾。○罷子公反。

周禮卷三十三